



Bosnia and Herzegovina
Federation of Bosnia and Herzegovina
CANTON SARAJEVO
Anti-Corruption Office

Broj: 20-04-341-324/26 TB
Sarajevo, 06.03.2026. godine

SKUPŠTINA KANTONA SARAJEVO
KABINET PREDJEDAVAJUĆEG I ZAMJENIKA PREDSJEDAVAJUĆEG
SKUPŠTINE KANTONA SARAJEVO
n/r Predsjedavajućeg Skupštine – Elvedin Okerić

PREDMET: Zastupnička inicijativa zastupnice Sebiye Izetbegović i zastupnika Selmanović Faruka, odgovor, dostavlja se.-

VEZA: Vaš akt broj: 01-04-57021-6/25 od 16.12.2025. godine

Vezano za Vaš akt broj i datum veze, u prilogu Vam dostavljamo odgovor na zastupničku inicijativu zastupnika Selmanović Faruka.

S poštovanjem,



Priloga: 1.

Dostaviti:

1. Naslovu;
2. a/a.



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 20-04-341-324/26 TB
Sarajevo, 06.03.2026. godine

SKUPŠTINA KANTONA SARAJEVO
KABINET PREDJEDAVAJUĆEG I ZAMJENIKA PREDSJEDAVAJUĆEG
SKUPŠTINE KANTONA SARAJEVO
n/r Predsjedavajućeg Skupštine – Elvedin Okerić

Predmet: Zastupničko pitanje zastupnika Selmanović Faruka, odgovor, dostavlja se.-

Veza: Vaš akt broj: 01-04-57021-6/25 od 16.12.2025. godine

Zastupnik u Skupštini Kantona Sarajevo Faruk Selmanović, dana 16.12.2026. godine, u skladu sa članom 211. i 214. Poslovnika Skupštine Kantona Sarajevo, uputio je zastupničko pitanje Kantonalnoj upravi za inspekcijske poslove Kantona Sarajevo i Uredu za borbu protiv korupcije Kantona Sarajevo (u daljem tekstu: Ured), u vezi sa boravkom djece u produženom boravku u JU Centru za odgoj, obrazovanje i rehabilitaciju „Vladimir Nazor“ Sarajevo, pravnim osnovom boravka djece u produženom boravku s obzirom na to da individualni prilagođeni programi (IPP) nisu usvojeni dok su roditelji primorani da sami finansiraju produženi boravak.

Nakon zaprimanja Vašeg zastupničkog pitanja, a s ciljem provjere i prikupljanja relevantnih podataka, dana 24.12.2025. godine Ured se obratio Kantonalnoj upravi za inspekcijske poslove Kantona Sarajevo zahtjevom za vršenje inspekcijskog nadzora u vezi sa navodima iz prijave (zastupničkog pitanja).

Od strane Kantonalne uprave za inspekcijske poslove Kantona Sarajevo, Ured je zaprimo informaciju broj: UP-1-14-12-34-25840/25-12/07 od 05.01.2026. godine, a u kojoj je između ostalog navedeno da je postupajući inspektor izvršio usmjereni inspekcijski nadzor kod subjekta nadzora JU Centar za odgoj, obrazovanje i rehabilitaciju „Vladimir Nazor“ Sarajevo na okolnosti navoda iz podnesene predstavke (zastupničkog pitanja). Postupajući inspektor izvršio je uvid u relevantnu dokumentaciju i izvršio upoređivanje spiskova učenika u produženom boravku sa Individualno prilagođenim programima, nakon čega je utvrđeno da su izrađeni individualno prilagođeni programi za 57 učenika koji idu u produženi boravak od ukupno 70 učenika, te da Individualno prilagođeni programi nisu izrađeni za 13 učenika koji su I razred osnovne škole, a za koje je prema izjavi lica koje je bilo prisutno inspekcijskom nadzoru proces opservacije u toku. Naprijed navedeno iz razloga, što prema Pravilniku o inkluzivnom obrazovanju proces opservacije za učenike prvog razreda osnovne škole traje minimalno 120 dana od dana podnošenja zahtjeva. Dalje je u inspekcijskom nalazu navedeno da su Programom sufinansiranja troškova produženog boravka za učenike od prvog do četvrtog razreda osnovne škole obuhvaćeni učenici od prvog do četvrtog razreda osnovne škole, a za čiju je realizaciju zaduženo Ministarstvo za odgoj i obrazovanje Kantona Sarajevo.

Potom se Ured obratio Ministarstvu za odgoj i obrazovanje Kantona Sarajevo sa Zahtjevom za dostavu informacija i dokaza o pravnom osnovu po kojem učenici borave u produženom boravku u

situacijama kada individualno prilagođeni programi nisu prethodno izrađeni i/ili usvojeni, te informaciju da li je takva praksa u skladu sa važećim zakonskim i podzakonskim propisima koji uređuju oblast osnovnog odgoja i obrazovanja, kao i inkluzivnog obrazovanja. Dodatno, zatražena su i sve dodatne relevantne informacije, akti ili interne procedure koje smatraju značajnim za pravilno i potpuno sagledavanje predmetne problematike, a posebno imajući u vidu da je postupajući inspektor konstatovao da je za realizaciju Programa sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo u školskoj 2025./2026. ("Službene novine Kantona Sarajevo" broj: 40/25) nadležno Ministarstvo za odgoj i obrazovanje Kantona Sarajevo.

Dana 04.03.2026. godine Ured je zaprimio povratnu informaciju od Ministarstva za odgoj i obrazovanje Kantona Sarajevo u kojoj, između ostalog, navode da je pravni osnov po kojem učenici borave u produženom boravku u situacijama kada individualni prilagođeni programi nisu prethodno izrađeni ili usvojeni, član 11. Pravilnik o inkluzivnom obrazovanju (Službene novine Kantona Sarajevo, broj: 37/25) kojim je definisan način opservacije kao i boravak učenika dok traje postupak opservacije, odnosno dok traje procjena učenika, nastavnik relizira nastavu na temelju evaluacije prilagođenog programa iz prethodne školske godine, padagoškog profila i/ili ITP-a. Zaključno navode da u konkretnom slučaju za učenike od prvog do četvrtog razreda Javne ustanove Centar za odgoj, obrazovanje i rehabilitaciju „Vladimir Nazor“ Sarajevo koji pohađaju produženi boravak izrađeni IPP je preduslov za sufinansiranje navedenih troškova. Dostavljanje relevantnih i tačnih informacija zasnovanih na pravilnoj primjeni važećih zakonskih i podzakonskih propisa, a po osnovu kojih Ministarstvo dalje postupa u smisu kontrole realizacije predmetnog programa, je obaveza predmetne javne ustanove i odgovornost iste shodno relevantnim zakonskim i podzakonskim aktima.

Zaključno, shodno Zakonu o odgoji i obrazovanju u osnovnim i srednjim školama Kantona Sarajevo, inspekcijski nadzor u oblasti primjene zakona, podzakonskih propisa i općih akata iz oblasti osnovnog i srednjeg obrazovanja vrši Kantonalna uprava za inspekcijske poslove Kantona Sarajevo, a uzimajući u obzir činjenicu da postupajući prosvjetni inspektor nije imao osnova za preduzimanje upravnih mjera i radnji iz svoje nadležnosti, kao i cijeneći informaciju od Ministarstva za odgoj i obrazovanje Kantona Sarajevo, smatramo da nema mjesta za dalje postupanje Ureda u konkretnom slučaju.

S poštovanjem,



Dostaviti:

1. Naslovu;
2. a/a